



UGOVOR

o nabavci radova na rekonstrukciji unutrašnjih gasnih instalacija

KJKP Sarajevogas d.o.o., Sarajevo, ul. Trg Fadile Odžaković Žute br. 4, Sarajevo
Koga zastupa: Direktor Preduzeća mr.sc. Nihada Glamoč, dipl.ing.maš., (u daljem tekstu: **Naručilac**)

i AS-GAS o.d., T.C., Vojničko polje P.P.N1, Aleja Bosne Srebrene bb, Sarajevo
Koga zastupa: Direktor, Amir Greljo, (u daljem tekstu: **Izvođač**)

Član 1.

Predmet ovog Ugovora je izvođenje radova na rekonstrukciji unutrašnjih gasnih instalacija kod vlasnika individualnih stambenih jedinica po provedenom konkurentskom nadmetanju broj KN-05-25/18. Izvođač radova je dostavio ponudu prema specifikaciji Naručioca broj SP-OJ04-KN-05-25/18 od 06.08.2018. godine.

Sadržaj i vrijednost radova iz stava 1. ovog člana (Specifikacija SP-OJ04-KN-05-25/18 ANEX III) priložena je ovom ugovoru i predstavlja njegov sastavni dio. Navedeni radovi obuhvataju cca 50-60 individualnih stambenih jedinica na prostoru gasnog sistema Kantona Sarajevo.

Član 2.

Ugovorna vrijednost radova iz člana 1. ovog ugovora iznosi: 49.970,00 KM (slovima: četrdesetdevethiljadadevetsosedamdeset KM) bez PDV-a, a jedinične cijene su fiksne i specificirane u prilogu ovog Ugovora i čine njegov sastavni dio.

Član 3.

Izvođač radova će radove iz člana 1. izvršavati kvalitetno, po važećim Zakonima, pravilima građevinsko-tehničke i mašinske struke kao i prema internim tehničkim pravilima Naručioca (Tehnička uputstva, Procedure, Instrukcije). Obim radova zavisi od potreba Naručioca koji će za predmetne radove ispostavljati sukcesivne narudžbenice prema specifikaciji SP-OJ04-KN-05-25/18 nakon zaključenja ovog ugovora, odnosno dostaviti adrese vlasnika individualnih stambenih jedinica odobrenih za izvođenje predmetnih radova.

Član 4.

Obaveza izvođača radova je da:

- otpočne sa radovima nakon obostranog potpisivanja Ugovora i prijema spiska adresa na kojima se izvode radovi, kao i da za svaku stambenu jedinicu dostavi Prijavu o početku izvođenja radova,
- vodi montažni dnevnik i građevinsku knjigu posebno za svaku jedinicu u kojoj se izvode radovi,
- vodi i dostavlja zapisnik na nepropusnost i čvrstoću,
- vodi i dostavlja zapisnik o izradi antikorozijske zaštite,
- dostavi ateste ugrađenog materijala i ateste varilaca,
- dostavi zapisnik o primopredaji atestne i tehničke dokumentacije,
- dostavi Prijavu o završetku izvođenja radova za svaku stambenu jedinicu, prisustvuje pregledu i puštanju gasa u gasnu instalaciju nakon rekonstrukcije,
- snosi eventualne troškove sanacije oštećenja tuđih instalacija,
- se u roku od dva (2) dana odazove na poziv naručioca.
- izvrši radove po jednoj stambenoj jedinici u količini koja neće preći vrijednost od 1.000,00 KM sa uključenim iznosom PDV-a,
- ostale eventualne radove iznad vrijednosti od 1.000,00 KM sa PDV-om reguliše sa vlasnikom individualne stambene jedinice.



Član 5.

Obaveza Naručioca je da po potpisivanju ugovora imenuje nadzorni organ i dostavi spiskove sa adresama vlasnika individualnih stambenih jedinica koji su predmet radova kao i pojedinačne predmjere radova za svaku predmetnu stambenu jedinicu.

Član 6.

Izvođač radova će obračun izvršenih radova vršiti po jediničnim cijenama iz priloga ovom Ugovoru. Naručilac će plaćanje izvršenih radova izvršiti u roku od 30 dana po ispostavljanju i ovjeravanju situacije, odnosno prijemu uredno ispostavljene fakture na transakcijski račun naveden na fakturi.

U prilogu fakture neophodno je dostaviti:

- obračun sa količinama i cijenama ovjeren od strane nadzornog organa Naručioca posebno za svaku stambenu jedinicu,,
- građevinsku knjigu ovjerenu od strane nadzornog organa Naručioca.

Član 7.

Izvođač radova je u obavezi da izvrši sve radove u roku od 75 dana nakon potpisivanja ugovora. Za svaki dan kašnjenja Kupac će zaračunati penale u iznosu od 1% s tim da ukupan iznos penala nemože biti veći od 5% ukupne vrijednosti ugovora.

Član 8

Naručilac i Izvođač radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 9.

Izvođač radova nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Naručioca.

Član 10.

Za sve izvršene radove Izvođač radova daje garanciju na kvalitet izvršenih radova na period od 2 (dvije) godine.

Član 11.

Ukoliko Naručilac u ugovornom roku iz člana 6. ovog ugovora ne plati cijenu za izvršene radove obavezan je Izvođaču radova isplatiti i zateznu kamatu u skladu sa zakonom i drugim propisima koji uređuju ovaj institut.

Član 12.

Ovaj ugovor se zaključuje na period od dana potpisivanja i traje 75 dana, odnosno ne duže od 1 (jedne) godine U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 13.

Ugovorne strane su saglasne da Izvođač radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.



Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 15.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 16.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Izvođača:

Amir Grejlo
Direktor, Amir Grejlo
OBRTNIČKA DJELATNOST
"AS-GAS"
VI. GRELJO AMIR
SARAJEVO

Broj ugovora, 03/09/18
05.09.2018



Za Naručioca:

Direktor Preduzeća
Nihada Glamoč
Mr.sc. Nihada Glamoč, dipl.ing.maš.

Izvršni direktor
Mehmed Mehović
Mr. Mehmed Mehović, dipl.oec.

Broj ugovora, 205/18
05-09-2018

Suncic
Glamoč
Mehović

